


# სახალხო გაზეთი

სურათებიანი ჟამბეგა

გაზეთის № 937


ღამაგვის № 165

კვირა, 7 ივლისი 1913 წ.



ინ. ქა. აშ.

იმერეთის უკანასკნელი მეფე სოლომონ მეორე.



I ოსმალ. დიდი ვეზირის, მამულ-მეგვეთ-ფაშის ცხედარი.

II უკანასკნელი შეთქმულების მონაწილენი, რომელნიც სიკვდილით დასაჯეს:

- 1) თოფალ-თევეფიქი, 2) ჯევადი, 3) ზია, 4. ნიზამი, 5) შაფირ-აბდურაზმანი, 6) პოლი-ციის უფროსად ნამყოფი მოქუბი, 7) ქიორი ემინი, 8) ნაზმი-ფაშა.

### იღუპალოზის წინაშე

მეგობართაღმე

თვით ნაგრძნობი და განცდილი,  
ამბად თქმული, წაკითხული,  
იშვიათი, იღუპალი,  
შაირებში შენათხულები—  
იყოს თქვენთვის ჩემს სახსოვრად,  
შიგან ჰნახეთ ჩემი წყლული;  
რა მაწუხებს და რა მტანჯავს,  
რისგან შფოთავს მარად სული.

ამოცანად გარდამეცქა  
ჩვენი ყოფნა, დასასრული;  
სიღვან მოვალთ? სად მივდივართ?  
რა მიზანი გვაქვს ჩვენ სრული?  
ნუ თუ მართლა მიწა ვართ და  
ისევ მიწად გარდვიტყვივით?  
მოვისპობით საშუღამოდ,  
სიკვდილისგან დავიძლევივით?  
რალა დარჩეს ჩვენს შემდგომად,  
კვლავ ვსულდგმულობთ მიწის ზევივით?  
ამ მიწარე ფიქრს შევეუპყრვივარ,  
ამას ვჩივი ცრემლის ფრქვევივით.



მყავდა ერთი მეგობარი;  
გრძნობით საესე, დიდის ნებით;  
სიკვდილზედან ლაპარაკი  
მას უყვარდა დეჩინებით.  
იღუპალსა ცხადსა ჰყოფდა,  
შეამკობდა ფერადებით.  
ფფიქრობ იგი მოსულიყო  
სხვა ქვეყნიდან უცხო გრძნებით.  
რა ნათელ აზრს მოჰქარგავდა,  
დაჰხატავდა სურათებით,  
ის მატკბობდა, ხან მტანჯავდა  
სხვა და სხვა გვარ საუბრებით.  
ერთხელ მითხრა: მეგობარო,  
მთლად აღამი არა კვდება;  
რაც კი იყო, ის კვლავ არის,


არის ისევ ის არსება;  
კვლავ განაგრძობს თავის ყოფნას,  
მხოლოდ სახე მას ეცვლება.  
აღამი ხომ მარტოდენ  
სხეულისგან არ შესდგება;  
მასში არის ერთი რამე  
დრო-სივრცეს არ ჰმორჩილდება;  
მას ვერც ჟამი ანადგურებს,  
ვერც წყვდიადი ეღავება.  
ღვთაებრივი ნაპერწკალი:—  
არის სული—უკვდავება.  
იგი წმინდა ჩვენ გვაძალღებს  
და შეგნება გვენიჭება.  
—მეგობარო, ნება მომეც,  
შენს მსჯელობას დავსდო წუნი;  
მაგ შენს აზრსა, უკვე ნათქვამს  
ძველის-ძველი უღის სუნი.  
გამოტყვით ამას გიტყვი:  
არ არსებობს კაცში სული.  
ჩვენ სხვათაებრ ცხოველნი ვართ,  
შეგნებულნი, უფრო რთულნი.  
რა ვიყავით უხსოვარ დროს,  
პირველ ხანად ჩასახულნი?  
და რა დიდმა ჟამმა განვლო,  
ვიღრე ჩვენს თავს მივანწვედით?  
ვიღრე ასეთს, როგორც ღღეს გვაქვს,  
კაცის სახეს მივიღებდით?  
აღამიანს წინ იმით სწევ,  
ღვთის ხატებაც მისთვის ჰქვიან,  
რომ მას ფიქრი, მეტყველება,  
სიყვარული შეუძლიან?  
რომ სიძულვილს გულში ჰმარხავს,  
მისის მტრობით არსნი კრთიან?  
ეს ხომ ძალუძთ პირუტყვებსაც,  
ასეთ გრძნობას განიცდიან.  
ჰნახე, ერთურთს თუ ირმები  
როგორ ეალერსებიან!  
ანუ როდეს შურს იღებენ,  
ერთმანეთის სისხლსა ჰღვრიან.  
ხვადნი ლომნი ძუ-ლომისთვის  
ერთმანეთსა რისხვით ბღღენიან.  
ანუ გესმის ერთმანეთში  
კიდევ რომ არ საუბრობენ?  
რადგან მათი ჩვენ არ გვესმის  
უნდა ვსთქვათ რომ არა ბკობენ?  
მე მინახავს ჩხიკენი როგორ  
იციანიან და მასხრობენ  
თუთიყუშებს ოღეს ჰშიანთ  
თავის პატრონთ მოუხმობენ.  
„ღროა ვკამოთ, მოდი, მოდი!“  
ასე ლექსით მოუხმობენ.  
ეგ რათ გინდა, ერთს მაგალითს

მეც მოგიყვან, მიგდე ყური;  
ვგონებ ამით ნათელ იყოს  
მდაბალ არსთა დიდი შური.  
ექიმს ჰყავდა მაიმუნი  
ხნობით ხელზე შეჩვეული;  
აქმევედა და ინახავდა  
ჰყო გაწრთენილი, მოქცეული;  
მაგიდაზე თვისთან ეჯდა,  
ტანსაცმელით სუფთად რთავდა;  
სასეირნოდ მიდიოდა,  
მაიმუნიც თან მიჰყავდა.  
მაგრამ ბოლოს ამ ექიმმა  
რა შეირთო ქალი ცოლად,  
მუდამ მასთან საუბრობდა,  
ის მიაჩნდა გულის სწორად;  
მაიმუნს კი აგრე რიგად  
არ აქცევდა ყურადღებას;  
ეს ეწყინა ძველს მეგობარს,  
ხელი მიჰყო დანაღვლებას;  
აღარც სკამდა, აღარც სვამდა,  
მისი გული მოსწყდა შეგებას.  
სულ ჯავრობდა, ბუზღუნებდა,  
იყო კუთხეს ატუზული,  
„მეგობარი დავკარგეო“  
აღბად გულში ჰქონდა წყლული.  
როს ექიმი სხვაგან იყო  
საქმეზედან შორს წასული,  
შეამტვრია მაიმუნმა  
საწოლ ოთახს ძალით კარი  
და დაუხრჩო ექიმს ცოლი,  
ჰყო საბრალო იგი მკვდარი.  
როგორც გინდა ისე ახსენ:  
გინდ სთქვი პირუტყვეს ჰქონდა მტრობა,  
ანუ ვითმე მეგობრობის  
ერთგული და მკვიდრი გრძნობა,  
გინდა შური, რომლის გამო  
შუალამეს მოჰკლა ქალი,  
მანც ამით ერთს დაასკენი  
და იქმნება ეს მართალი  
რომ ჰქონიათ პირუტყვებსაც

აზრი, სთქვი თუნდ, მეტად მკრთალი!  
 რა მიკვირდეს მაღალ ცხოველს—  
 კაცსაც ჰქონდეს ეს თვისება?  
 რაღას აქნევს სული ჩვენი,  
 იგივე აზრი გვეკითხება?  
 კაცი მრავალ საუკუნეს  
 რა სხეულით განვითარდა,  
 ავარჯიშა თვისი აზრი  
 გრძობაც მასვე შეუფარდა  
 და ეს არის სულს რომ ვუხმობთ  
 ეს ტვინისგან აღმოცენდა  
 „ნერვებია ჩვენი სული“,  
 ბრძენი ასე მოგვასმენდა.

—სცდები ლევან! დიდად სცდები!  
 ვერ მიიპყარ მაგიტ სმენა;  
 იღუმალსა თუ გსურს მისწვდე,  
 კიდევ უნდა გქონდეს რწმენა.  
 —მისი რწმენა, რაც არსებობს,  
 მქონდა, მაქვს და კვლავ მექნება;  
 რაც არ არის, თვით რად შევქმნა,  
 რად ემონოს მას გონება?  
 —მე მრწამს სულის არსებობა,  
 მრწამს აგრედვე ის ღრმა—ერთი,  
 ვისგან სული იმ შთამედგა,  
 ვის სახელად ჰქვიან ღმერთი.  
 მან დაგვბადა, სთქვა: „მეძიე  
 ცა და ქვეყნის შემაერთი  
 და როს მპოვებ, შენს თავს ჰპოვებ,  
 მით შეიგნებ მაღალ მცნებას;  
 კაცი კაცად იწოდები,  
 ჩემში ჰპოვებ შენსავე შევებას!“  
 ვით შენ სოფლის ბრძენთა სწავლა  
 შეიგნე და ჩაისახე,  
 შენთვის მასში ნათელია:  
 სიკეთე თუ სივადება—  
 ეგრევე ჩემთვის ნათელია  
 ჰეშმარტი ღმერთის სახე.  
 მე მასში ვარ, იგი ჩემში,  
 სრულყოფილი იგი ვნახე.  
 მე ავმალდი, თუ ის ჩემთან  
 ძირს დაეშვა, მომეახლა—  
 ეს არ ვიცი, ვიცი მხოლოდ  
 მე მასთან ვარ, მას ვგრძობ ახლა!

—ძმაო გოგი! თავს იტყუებ!  
 ეგ ოცნება არის შენი;  
 შენის აზრის ქანდაკება,  
 შენის ყოფნის დამამშვენი.  
 სხვისთვის ეგვე წარმოდგენა  
 არს სხვა გვარის თვისებისა,  
 რადგან თვით „მე“ განსხვავდება  
 ყოველ კოცხალ არსებისა.  
 ღმერთს თვით შენ ჰქმნი შეგნებაში  
 და იმდენად მაღალს, დიადს,  
 რავდენადაც ეს შეგფერის  
 დიდ ბუნების ადამიანს.  
 შეიძლება შენგან ქმნილი  
 სხვებმაც ღმერთად აღიარონ  
 და შენგანვე ნაკარნახევ  
 გზაზე ერთხმად მათ იარონ;  
 დრო გაივლის, შენი ღმერთი  
 მშრალ ქვის კერპად გამოჩნდება,  
 რის დამსხვრევას უამრავი  
 საუკუნე დასჭირდება.  
 შენ ამბობ თუ „მივისწვდი ღმერთსო“,  
 მით განიცდი აღტაცებას,  
 შენ ააგე ტურფა კოშკი  
 თვით შეუქმენ ღმერთი ნებას  
 და მას მისწვდი, მეგობარო,  
 ღმერთს კი არა—შენს ოცნებას!  
 ვსთქვათ, რომ ღმერთსა მისწვდი კიდევ  
 და შეიგნე იღუმალი,  
 რაღა ფასი უნდა ჰქონდეს,



საფრანგეთის გამოჩენილი ჟურნალისტი და საზოგადო მოღვაწე **ჰანრი როშფორი**, რომელიც ორი კვირის წინაჲ გარდაიცვალა.

ერთი მომეც სამართალი!  
 მე გამჩნევ, რომ მირისხდები,  
 დაიმშვიდე შენი გული!  
 განა ერთი გარდაცვლილა?  
 სად წავიდა მისი სული?  
 რატომ აღარ გვეცხადება?  
 ჰქმნას რამ მცირე სასწაული.  
 სჩანს რომ იგი არ არსებობს,  
 ტვინთან ლპება ჩვენი სული,  
 ეს ვითომდა ღვთის ხატება,  
 ვითომ მისგან კურთხეული.

—მგოსანს ლთქვამს: „ურწმუნომ სთქვა:  
 არ არსებობს ღმერთი ზენა  
 ეს სოფელი თვისით ჰკიებს,  
 ოდიდგანვე აქვს მას ჩენა.  
 და ბუნების წესსა იკვლევს,  
 მაღალსა და ესდენ რთულსა  
 და ვერ ჰხედავს თვით ამ წესში  
 შემომქმედის დიად სულსა.“  
 შენც, ურწმუნო, იმეორებ  
 რაც ოდესმე უკვე თქმულა:  
 „მოგვევლინოს სული ვითმე,  
 თუ არსებობს, სად დანთქმულა?“  
 გეტყვი: იგი მოჰვლენია  
 რჩეულ ხალხსა განცხადებით  
 და უყვია სული მათი  
 უფრო მეტის განმტკიცებით.  
 მე ნაცნობი მყავდა ერთი,  
 ვუწოდებდი მეგობარსა.  
 მე ვსცხოვრობდი ერთ სოფელში  
 ის მეორე სოფლის კარსა.  
 ერთ დღეს მარტო სახლში ვიჯექ,  
 ოცნებაში ვშაირობდი.  
 ხმა მომესმა ბაღის კარით,  
 მე ამ ხმასა უკვე ვსცნობდი.  
 დამიარა ჟრუნტელმა,  
 რაღაც ვიგრძენ საშიშარი;  
 გადვინებდი ფანჯარიდან,  
 გარედ იდგა მეგობარი.  
 ორი წლისა უნახავი,  
 საყვარელი, მუდამ წყნარი.  
 შუბლზე სისხლი დასდიოდა,  
 სახე ჰქონდა თითქოს მწყრალი,  
 უმალ გარედ გამოვვარდი,  
 გულში მქონდა მისი ბრალი.  
 იგი სულ წინ მიდიოდა,  
 და თანდისთან მშორდებოდა;  
 შევუძახე: შესდექ, ძმაო!

გული ბოლომთ მევესებოდა.  
 ვფიქრობდი თუ, რაა მის თავს,  
 მისი სახე რამ დაღარა?  
 მითხრა მხოლოდ: „მშვიდობითო“  
 და მსწრაფლ გაჰქრა, მიეფარა!  
 ჩემ წინ მხოლოდ ეთერს ვსჭვრეტლა,  
 მხოლოდ სივრცეს, მას ველარა.  
 მეორე დღეს მშობლებიდან  
 მომივიდა მე უსტარი:  
 მოეწერათ: „მამულის მტერთ  
 მოგვიკლესო მეგობარი!“  
 გავეშურე მის სოფლისკენ,  
 საკვირველი რამე ვნახე:  
 ეგრევე ის შუბლ განგმირული,  
 ეგრევე მისი მწყრალი სახე!

—მაგიტ მითომ ნათელ ჰყავი  
 ქვეყნად სულის მოვლინება?  
 ეგ რაცა სთქვი, ჩემო ძმაო,  
 სულ სხვა გვარად აიხსნება.  
 ემაგ შენის მაგალითის  
 აწ ისმინე განმარტება.  
 თუ კი აზრის გარდაცემა  
 უმავთულოდ შეიძლება,  
 მაშ ხომ შევძლებთ ჩვენ ერთმანეთს  
 შთავაგონოთ გრძობა დია,  
 მით უმეტეს ჩვენს სხეულში  
 არის ძალა, ენერგია.  
 ეგ რად გინდა, მეც ერთს გეტყვი  
 არა ეგრე სამწუხაროს:  
 მყავდა ერთი გულის სატრფო,  
 მასში ვსჭვრეტდი ჩემს სამყაროს.  
 სულ იმ ქალზე ვოცნებობდი,  
 გული შევებით მევესებოდა;  
 ჩემს გარშემო, ჩემსა ირგვლივ  
 ვერ ვამჩნევდი რა ჰხდებოდა.  
 იმის ხმას თუ გავიგებდი,  
 ხოლო სხვისი არ მესმოდა.  
 ჩემს თავს თუმცა თვით ვებრძოდი,  
 ვერ ვილხინე, ვერც ვიციინე;  
 გაზაფხულის ერთ ღამესა  
 ვერ იქმნა ვერ დავიძინე.  
 განუწყვეტლად ტანჯვით, ღელვით  
 სულ იმ ქალზე ვოცნებობდი;  
 „ის აქ მოვა! ის აქ მოვა!“  
 ღრმად ჩემს გულში ასე ვგრძობდი.  
 შორს მამლებმა დაიცივლეს  
 და საათმა დაჰქრა სამი;  
 და შენ ჰნახე, თუ რა მოჰხდა,  
 საკვირველი იყო წაპი.  
 კარებს ვილაღ მირაკუნებს.  
 შევკრთი. კიდეც ერთი, ორი!  
 რა გავადე, დავინახე  
 საყვარელი სულის სწიარო.  
 ვით მძინარე, ეგრე იყო,  
 მას ფერმკრთალად უჩნდა სახე,  
 ჩურჩულებდა: „შენთან მსურდა...  
 მსურდა გულით შენ მენახე.“  
 თუნდ იმ ღამეს სიტყვა მეთქვა  
 მის საწყენად ვითმე მკვახე,  
 წამერთმივინა სიქალწულე,  
 მოსაკვლელად მეგო მახე—  
 ჩემი იყო ჩემი მონა,  
 ყველაფერზე მნებდებოდა;  
 თვის ბინაზე მივაცილე.  
 ამ დროს უკვე თენდებოდა.  
 მესამე დღეს იგი მხვდება  
 და ღმერთით მეკითხება:  
 „იმ დღეს გნახე და არ ვიცი,  
 მხოლოდ ოდნავ მახსენდება,  
 ცხადი იყო, თუ სიზმარი?“  
 არა მსურდა შეშინება  
 და მივუგე: ალბად სიზმრად,  
 ეს ხანდისხან ასე ჰხდება!  
 შენ თუ ვითომც სული ჰნახე,  
 მე ნამდვილი სატრფო ქალი,  
 აჩრდილივით შემოვიდა,  
 მიბნედილი, სახე მკრთალი.

და ეს რითი აიხსნება?  
 ჰგონებ იყოს სასწაული?  
 სულაც არა! მე ვყავ ქალი  
 შთაგონებით შემქველული.  
 მისი ძალა, ჩემმა ძალამ  
 შეიპყრო და ჩემკენ სწია.  
 ჩვენი გრძობა იმორჩილებს,  
 ჩვენზედ უფრო ვინც სუსტია.  
 და შენც, ასე, როს კვდებოდა  
 მეგობარი მოგეჩვენა,  
 თვისი ფიქრი გაგრძობინა  
 სხვა აქ რისი გვქონდეს რწმენა?  
 და ფიქრი ხომ წაყოფია  
 ისევ ტვინის, სულის არა!  
 ჩემი ახსნა მართალია,  
 რა ვქმნა შენ თუ შეგეზარა?!  
 როგორადაც ჰაერ-ტალღას  
 ჩვენსკენ მოაქვს ხმოვანება,  
 ეგრევე მოაქვს სხვის ნაგრძობი  
 და ჩვენს გრძობას ექსოვება.  
 შენს ოცნებას ზეღაფრენ,  
 თუ მიწაზე ინავარდებ,  
 მატერიას ვერ გასცდები,  
 მუნ დასკვნები, მუნ ივარდებ.  
 —სული როგორ არ არსებობს?  
 იგი უკვე არსებობდა,  
 ეს ჩემი „მე“ გვამში მყოფი—  
 —სული ჩემი—იქ სცხოვრობდა,  
 იქ, შორეულ ქვეყანაში,  
 ვიდრე არსი არსად მშობდა.  
 მაშ რით არის, რომ ხანდისხან  
 ჩემში აზრი გაივლივებს  
 და ეს თვისის ნაცნობობით  
 სულს სიამით ამიღვლევის.  
 მითქვამს: ეს ხომ უკვე ვიგრძენ,  
 უკვე იყო ზიარქმნილი;  
 ეს შორს სადღაც და ოდესღაც  
 უკვე მქონდა შეგრძობილი,  
 სწორედ ეს ხმა მოვისმინე,  
 ვნახე სწორედ ეს არსება;  
 თუ ოდესმე ბრძენს რამ უთქვამს  
 იგი ისე მეთვისება,  
 თითქოს უკვე ეს ვიცოდო  
 სული ისე ეთანხმება.  
 ან თუ ჰნახავ ტურფა ასულს,  
 სულის თვისტომს, მონარნარეს  
 თითქოს შორს, შორს ხანგრძლივობის,  
 მარადობის იქით მხარეს  
 უკვე ჰნახე, ესაუბრე,  
 თუმც არ გითქვამს სიტყვა წყნარი,  
 გეჩვენება, თითქოს იყავ  
 საუკუნით მოუბარი.  
 ის რას ფიქრობს—უკვე იცი,  
 რას იფიქრებ—უკვე ჰგრძობდა,  
 რადგან სული ერთმანეთის  
 ერთმანეთსა უკვე სცნობდა.  
 გეტყვი ჩემს თავ-გარდასავალს:  
 შემისრულდა ოცი წელი;  
 რაც შემემთხვა მე ამ ხანად,  
 სწორედ არის საკვირველი.  
 იმ დროს გულში თუ რას ვგრძობდი,  
 მე არ ვიყავ სხვასთან მთქმელი.  
 ჩემს საუნჯეს იღუმალად  
 მარტოდ-მარტო ვატარებდი;  
 უცნობ მიჯნურს შევხაროდი,  
 მასზე ფიქრით ვნეტარებდი.  
 ჩემმა სულმა დამიხატა  
 მისი სახე, მისივე სული  
 და მეტყოდა: მას შეჰხვდები,  
 მოვა შენთან ის ასული!  
 ერთ დღეს ვიყავ დაღვრემილი,  
 წინად გრძობა თავს იწვედა  
 და ჩამთვლიდა. ცხად სიზმარში  
 განმეფანტა გულის სევდა.  
 ბუნდად ვნახე, ვილაც ქალი  
 სასიეროდ მიმიწვევდა.

თითქოს მითხრა მან ჩურჩულით:  
 „ბაღში გიცი, მოვედ, გელი!“  
 მეც შენსავით არა მრწამდა,  
 ამხდარიყო საკვირველი.  
 მაინც ვაველ სასიეროდ,  
 ჩემსა ნებას თვით მივყავდი.  
 არ მეგონა, მართლა ქალსა  
 უცნობ მიჯნურს მუნ ვნახავდი.  
 მიველ ადგილს. ერთი ტურფა  
 მარტო იჯდა, ოცნებობდა;  
 დამინახა, ზეწამოდგა,  
 რილაცის თქმას აპირობდა,  
 მაგრამ შერცხვა, თრთოლვით დაჯდა,  
 დუძილს კვალად განავრძობდა.  
 მისვლა მსურდა. ვერ ვავებდე,  
 მხოლოდ გვერდით ჩავუარე.  
 ერთხელ უკან მივიხედე,  
 კვლავ მიმხერდა მონარნარე.  
 თითქოს იგი მანიშნებდა:  
 „აკი შეგხვდი, შეგეყარე!“  
 მაინც მისვლა ვერ ვავებდე,  
 წაველ, თვალსა მივეფარე.  
 ვამბობდი თუ ეგებ შევცდი,  
 მომატყუა გრძობამ ასე;  
 არ ვერწმუნე იქ ნახულსა,  
 იგი ექვით შევაფასე.  
 დავრჩი მხოლოდ საგონებელს,  
 არ გაველო ერთ თვეს ჯერა,  
 რამე ქართლის ერთ სოფლიდან  
 იმ ქალს წიგნი მოეწერა.  
 გავხსენ იგი, წავიკითხე  
 და იცი თუ რას მამცნობდა?  
 „შემინდო ვამოტება“  
 ასე წერილს ჩაურთობდა.  
 „ამას წინად ქალაქს ვიყავ  
 და ვერ გეტყვით თუ რა ძალმა,  
 რა სურვილმა შეუცნობმა,  
 რა ძლიერმა გრძობის აღმა  
 მაიძულა მანდ წამოსვლა  
 ჩემთვის ესდენ იღუმალმა!  
 მხოლოდ გეტყვით და ნუ მიწყენთ  
 ვიდრე ცხადად მანდ გნახავდით,  
 ჩემს სულში თუ ოცნებაში  
 მე ნახახი უკვე მყავდით.  
 თქვენი ლანდი უკვე იყო  
 მარად ჩემთვის სანუკვარი  
 და მიყვარდით წმინდის გრძობით  
 ჩემი სიზმრის მეგობარი!“  
 ამან მეტად ჩამაფიქრა,  
 მასთან წასვლა განვიზრახე;  
 ვსთქვი და კიდევ ავასრულე,  
 მიველ ტურფა იგი ვნახე.  
 და, რა ბევრი განვაგრძელო,  
 ვსცანით ჩვენი სიყვარული;  
 შეგხვდი ასე სულის თვისტომს,  
 იქნა ჩემზე დანიშნული;  
 უნდა წლის თავს გვექორწილნა,  
 გვედიადნა სიხარული.  
 მე ჩამოველ ისევ ქალაქს,  
 ქორწილის დროს მოველოდი;  
 ერთ დღეს თავი ცუდად ვიგრძენ,  
 გულზედ მაწვა თითქოს ლოდი.  
 დამე კარგად ვერ მეძინა,  
 წინადგრძობით ისე ვთრთოდი.  
 განთიადზე ჩამეძინა  
 და რა ვნახე, მეგობარო?  
 ვაი, იგი მოგონება  
 მექმნეს მარად სამწუხარო!  
 სიზმრად ვნახე: ჩემი სატრფო  
 ბაღში ჰკრეფდა ფერად ვარდებს;  
 და თან ტკბილად დამღეროდა  
 თვის სიხარულს თუ თვის დარდებს.  
 შემდეგ ერთ ბუჩქს მიაშურა  
 მუნ სოსანი იღვა ქრელი;

მოწყვიტა და დავინახე  
 შემოექლო ფეხზე გველი.  
 როგორც შლეგი წამოვვარდი  
 ტანჯვა ვიგრძენ შემხუთველი.  
 მეორე დღეს სიღვრისგან  
 დეპეშს ვიღებ, ვხსნი მწუხარე,  
 და ვკითხულობ: შენი ნუნუ  
 ავად არის, დაეჩქარე.  
 გული დამწყდა, ტყვია მომხვდა,  
 ცრემლი ცხელი გადმოვღვარე.  
 ვავეშურე მიჯნურისკენ,  
 ხალხი დამხვდა მგლოვიარე.  
 შორიდანვე მოქმემოდა  
 ტირილი და კვნესა მწარე;  
 ნუნუსათვის გველს ეკბინა,  
 მოეშაშა ჩემი მთვარე.  
 და მას შემდეგ ათმა წელმა  
 ჩემთვის ტანჯვად გაიბრინა;  
 სხვას ვერავის შეგეთვისე,  
 სხვასთან ველარ ვპოვე ბინა.  
 ცხოვრებაში ჩემმა სულმა  
 სხვა სატრფო ვერ აღმიჩინა  
 იგი ეგრევე წმინდად მიყვარს  
 ნათლად მიღვა კვლავ თვალწინა;  
 ისევ იმას შევეყრები,  
 ვინც მე ერთხელ აღმაფრინა.  
 მე ხომ ზღაპარს არ ვამბობ,  
 ეს ჩემს თავზე განვიცადე;  
 როგორ ვნახე ის სიზმარი,  
 აზრში როგორ დავიბადე?  
 რაც შორს მოხდა სინამდვილედ,  
 ასე როგორ განვიცხადე?  
 შენ ამას ჰხსნი შთაგონებით,  
 ეგ არ არის ახსნა სრული;  
 აქ ის ძალა ამოქმედდა  
 სახელად რომ ჰქვიან სული.  
 როს ჩვენ გვძინავს, იგი ფხიზლობს  
 აზრის, ტვინის გარეთადა;  
 რასაც იგი თვისით ჰხედავს,  
 მოაქვს ჩვენთან აზრის ტვირთად.  
 აზრისაწვევ საზღვრებამდე  
 ვიგებთ, ჰხედავს აზრის თვალი;  
 საზღვარს იქით რაც არსებობს,  
 ჯერ უცნობი, იღუმალი,  
 იმას მხოლოდ სული სწვდება,  
 სული მარად ჩაუშქრალი.  
 ამ ქვეყნიურ სიცოცხლემდის  
 ქურქელია მისთვის გვამი:  
 გვამი მხოლოდ წუთიერი,  
 ოდეს ხორცი სქვენება, მისთვის  
 სხვა იწყობა მაშინ ჟამი.  
 აი, ეხლა, როს ჩვენ ორთა  
 საუბარი გვაქვს გაბმული,  
 იცი? ეგებ ჩვენთან ახლოს  
 წინაპრისა იყოს სული.  
 ეგებ მთელსა სამყაროში  
 სხივი იყოს გაფანტული,  
 რომლის გამო ჩვენ თვალთათვის  
 უჩინარი ჰხდება სული.

—ჰბოდავ ძმაო, სიზმარში ხარ!—  
 ჩემი სიტყვა ნუ იტკიცე.  
 თუმც ბევრი სთქვი, მაგ ნათქვამით  
 ვერაფერი დამიმტკიცე;  
 მაგ შენ მგოსნურ მოთხრობილსა  
 საფუძველი არ აქვს მტკიცე!  
 (დასასრული იქნება)  
**ა. შანშიაშვილი.**

